

## **TEKS UCAPAN**

**Y.BHG. PROF. DATUK Ts. DR. MASSILA KAMALRUDIN**

**NAIB CANSELOR UTeM**

---

**MAJLIS PERASMIAN PESTA KONVOKESYEN UTeM KE-20**

**Universiti Teknikal Malaysia Melaka (UTeM)**

اونيورسيتي تيكنيكل مليسيا ملاك

*8 November 2024 (Jumaat), Tapak Pesta Konvokesyen, 3.00 petang*

Terima Kasih Saudara/i Pengacara Majlis,

## **SALUTASI**

-Seperti di lampiran

1. Alhamdulillah, setinggi-tingginya kesyukuran dipanjatkan kehadiran Allah Subbahanahu Wataala, di atas segala rahmat dan 'inayahNya jua, pada petang Jumaat yang penuh barakah ini kita dapat disatukan dalam program tahunan Universiti iaitu **Majlis Perasmian Pesta Konvokesyen UTeM kali ke-20 atau PESKOUTeM20**, sebuah acara wajib

yang dilaksanakan bersempena dengan Majlis Konvokesyen UTeM.

2. Terlebih dahulu, saya mengambil kesempatan ini merakamkan setinggi-tinggi penghargaan dan terima kasih di atas kesudian **Yang Berbahagia Dato' Dr. Husaini Bin Omar, Pengerusi Lembaga Pengarah** dan Ahli-ahli Lembaga Pengarah UTeM, serta barisan tetamu, yang sudi hadir bagi memeriahkan lagi majlis pada petang ini.

UNIVERSITI TEKNIKAL MALAYSIA MELAKA

3. Di kesempatan ini, saya ingin mengucapkan setinggi-tinggi syabas dan tahniah kepada **Majlis Perwakilan Pelajar UTeM sesi 2023/2024** yang menjadi penggerak utama dalam merancang dan menganjurkan Pesta Konvo kali ini. Saya difahamkan, walaupun Majlis Perwakilan Pelajar UTeM sesi 2023/2024 telah dibubarkan pada 1 Oktober 2024, namun mereka tetap memberikan komitmen yang tinggi bagi memastikan pelaksanaan PESKOUTeM tahun ini berjalan dengan lancar, dengan harapan penganjuran pada tahun ini lebih meriah berbanding tahun sebelum ini.

4. Sebagai makluman YBhg. Dato' dan hadirin sekalian, PESKOUTeM20 dimeriahkan dengan 22 program telah bermula seawal 26 Oktober dan akan berakhir pada 11 November 2024.
5. Tahniah Jawatankuasa Pelaksana dan semua pelajar UTeM yang terlibat yang terdiri daripada Kelab dan Persatuan Pelajar UTeM. Dan, tak dilupakan juga terima kasih kepada Pejabat Hal Ehwal Pelajar dan Alumni (HEPA) yang sentiasa membimbing dan memberi nasihat kepada para pelajar ini demi memastikan kelancaran pengajuran PESKOUTeM kali ini.

## **Hadirin dan Hadirat sekalian,**

6. PESKOUTeM kali ini menampilkan pelbagai pengisian menarik seperti Jelajah Kasih, Perlawanan Bola Sepak Piala Anak Perantau, program yang semakin mendapat sambutan iaitu Jelajah UTeM Menjerit dengan kelainan kali ini dengan menyantuni anak-anak yatim, pertandingan short tazkirah, petting zoo, traditional diversity performance, e-sport national championship, derma darah dan pelbagai lagi.
7. Menerusi pendekatan dan penglibatan aktif siswa dalam menguruskan program seumpama ini, saya amat yakin,

aspirasi Universiti untuk melahirkan siswa dan graduan yang bercirikan TUAH iaitu Tangkas, Unggul, Adaptif dan Holistik dan TEJA – Tangkas, Elegan, Jagat dan Adaptif dapat direalisasikan dengan jayanya.

8. Atribut TUAH dan TEJA yang tersemat di dalam diri setiap pelajar UTeM bukan sahaja menghasilkan bakat insan yang cemerlang dalam profil akademik yang kukuh, malah turut menyumbang kepada keunggulan para pelajar UTeM dalam bidang \_\_ kepemimpinan, \_\_ kesukanan, \_\_ kesukarelawan, kemasyarakatan dan keberanian yang jitu dalam menempuh cabaran masa kini yang kompleks.

## Hadirin dan Hadirat Sekalian,

9. Sebelum mengakhiri ucapan, saya mengambil kesempatan ini untuk mengucapkan syabas dan tahniah kepada ahli Jawatankuasa Pelaksana Majlis dan semua pihak yang telah terlibat secara langsung dan tidak langsung dalam menjayakan PESKOUTeM ke 20 ini.
10. Tidak dilupakan, jutaan terima kasih diucapkan kepada semua rakan penaja budiman yang sentiasa memberikan sokongan kepada pihak Universiti, bagi menjayakan



PESKOUTeM kali ini. Sumbangan anda semua, amat dihargai.

11. Kepada para pengunjung, diharapkan tuan-tuan dan puan-puan, saudara dan saudari mendapat pelbagai manfaat, hasil kunjungan anda di Pesta Konvokesyen UTeM ini.
12. Kepada para graduan UTeM yang diraikan, setinggi-tinggi tahniah diucapkan. Harapan saya, agar para graduan dapat menggunakan segala bekalan ilmu yang diperolehi dengan sebaik-baiknya, dan terus menjadi insan terbilang dalam menyumbang bakti seikhlasnya kepada keluarga, masyarakat dan negara.

Meniup api beralun selari,  
Penat bersandar di pohon meranti,  
Pesta meriah graduan dirai,  
UTeM tersemat selamanya dihati.

Sekian *wabillahitaufik walhidayah wassalamualaikum wr. wbth.*

Terima kasih.

